

孩赤子也大人不過不失其赤子之心而已聖人視百姓皆赤子則所以愛百姓者無所不至即釋氏云我不輕汝等汝等皆當作佛之謂也晚近以詐偽視民欲天下之渾其心必不得之數矣○李卓吾曰百姓有善不善而聖人皆善之百姓有信不信而聖人皆信之夫聖人曷常有善信之心哉一以百姓之心為善信故也是為同德之善而非一人之善同德之信而非一己之信故曰德善德信也夫天下之人各一其心也久矣聖人則合天下之人而渾為一心百姓皆注其耳目以我觀彼以此觀我各相是非不可一也聖人見此不喜見彼不怒一以嬰兒遇之是以彼亦不矜此亦不愠釋然

道藏輯要

太上道德寶章翼

卷

心集四

皆化而天下定矣聖人無常心以百姓之心為心也如此此太上治世之大旨所以能無為者哉

無常心則渾然應變皆孩之則冥其生死故次之以出生

入死

貴生章第五十

出生入死月圓月缺之類○生之徒十有三月自初三生魄至十五乃圓故曰十

有死之徒十有三月自十六虧至二十人之生亦如動之死地三

亦十有三前半月其月上旬之十日自初一至初三乃十日之三

十日亦十日之夫何故蓋人與以其生生之厚同乎天地之一

蓋聞善攝生者無慮陸行不遇兕虎忘形入軍不披甲忘

我兕無所投其角身非我有虎無所措其爪我亦非我兵無所容其刃生
者特一炁之聚散○不厚其生焉能有死夫何故是如以其無死地此心自若本無
有死奈我何

復圭子曰此章本為攝生而發出與入對死與生反凡人出
乎生則入乎死聽造化為出入而不能自制其出入故亦聽
造化之生死我亦不能自為生死非善攝生者也太上悲憫
眾生方生方死而不能尋一無死地步因為指點生死之道
昔蘇子由云以十言之三等入各居其三豈非生死之道九
而不死不生之道一而已矣太上言其九不言其一使人自
得之耳予曰一即未句無死地是也無死地則長生矣顛天

道藏輯要

太上道德
寶章翼

三

心集四

下之人而觀之柔弱者生之徒能懲忿則火下降窒慾則水
上昇是水火既濟者生也水數六火數七七六一十三故生
之徒十有三強大者死之徒起忿則無明火熾上升縱慾則
苦海波翻下降水火未濟者死也水六火七亦合一十三故
曰死之徒十有三又有一等人知重生而不知生生之道所
謂豹養其內而虎食其外毅養其外而病攻其內陽過盛則
火烈而水涸腎竭矣陰過盛則水溢而火滅心竭矣水火偏
枯亦不出七六一十三數故曰人之生動之死地亦十有三
何言乎動之死地蓋生生可也而生生太厚則愛之而反為
害所謂害生於恩也出生入死所不免也人之大患以其有

身故兇虎可傷兵刃可戕善攝生者吾無有身忘我也任其
行任其入至於不遇兇虎不被甲兵則忘務矣角爪無所投
措兵刃無所容受所謂無身即無患矣夫何故以其無死地
是知死者生之寄生者死之害也我既得無生之理又何有
入死之地十有三之說解者紛紛惟水火六七之數爲是白
祖師箋註作月魄生死上講乃丹家正理未聞道者不解也
非天仙引度龍沙會上人安有福德獲此妙解哉愚請發明
白祖之說於後出生上半月之月入死下半月之月尙書曰
哉生明又曰哉生魄哉始也生明初三日也生魄十五日也
自初三至十五恰十三日故曰生之徒十有三自十六一陰

道藏輯要

太上道德
寶章翼

三

心集四
X上上二

生月魄始喪二十三二陰生月魄漸喪二十八三陰純月魄
盡喪自十六至二十八恰十三日故曰死之徒十有三以上
皆就月說至人之生句以下方借月說到鍊丹者之身上去
丹經云望前則血氣滿滿而藥力全望後則血氣減而藥力
少以月生死之理而驗人身血氣之盛衰與月不異故曰人
之生動之死地亦十有三太上言九留一不言此一即一陽
也丹也人能欲見此一即於人身方寸之地求之故曰坤地
由是坤下添一陽則爲震卦初三也震下添一陽則爲兌卦
初八也兌添一陽則爲乾卦十五也爲進陽火乾下而抽一
陽則爲巽卦十八也巽下又抽一陽則爲艮卦二十三也艮

卦又抽一陽復爲坤卦二十八也爲退陰符乃人身進退抽添火候之妙用夫何故月受日陽氣以生以其生生之厚猶未也聞善攝生之人潛行不溺則陸行有何兇虎入金石不得則入三軍安用甲兵乘虛如履實則以角爪投措乎虛空虛空必不受以兵刃加臨乎虛空虛空必不容所謂內觀其心心無其心外觀其形形無其形遠觀其物物無其物是也凡人以氣生者氣盡則死至人以性生者也性在虛空無來亦無往夫何故以其無死地道家謂之不生不死釋氏謂之不生不滅常考丹經大修行人以丹田爲日以心中元性爲月日光自返照月蓋交會之後寶體乃生金也月受日氣故

道藏輯要

太上道德寶章翼

三

心集四
太上三

初三生一陽丹既居鼎吾心覺一點靈光或隱或現至初八而二陽產矣丹之金氣少旺元性少現則遍體生明矣月到望而三陽純元性盡現則光不在內不在外而此身如在虛空矣常能如此而金丹且半十六爲一陰產矣性歸於命之始也至二十三日而二陰產矣乃性歸於命之二也至三十日而三陰全矣乃性盡歸於命也方其始也以命取性性全矣又以性安命金丹之士纔見此物分明遂收於鼎器之中所謂性命雙修者此也蓋金日色月性也月明實本於金金之性資出於日月鍊愈堅萬劫不壞火日氣金入火而復其元性可以鍊成至寶號爲金液還丹

無死地乃生之以道也故次之以道生之

養德章第五十一

道生之

神也○道為萬物資生之主

德畜之

性也○元始祖炁化生諸天

物形之

心也○有形皆

稟道氣而生

勢成之

我也○陰陽相偶四時相因

是以萬物

物也

莫不尊道而貴

德忘物

道之尊德之貴

忘心

夫莫之命

忘性

而常自然

忘神故

道生之

神全

德畜之

性全

長之育之

心全

亭之壽之

我全

養之

覆之

物全○如是體道治國治身可也

生而不有

無心○忘機

為而不恃

無為○忘情

長

而不宰

無我○忘物

是謂玄德

道也

復圭子曰道為天地根故萬物非道不生道生之虛無杳冥為物之祖即元始祖炁是也然非德不畜畜長養也太和氣

道藏輯要

太上道德寶章翼

三

心集四

氤為物之母即化生諸天是也物形之在天成象勢成之在地成形物既形矣自生而長自長而成自然之勢也觀其成物之功故知其道無位而尊無名而貴乃道體之自然又非有以命之者故曰莫之命而常自然若王侯之尊則受命於天卿相之貴則受命於君可稟命而得者亦可奪之而失豈常然耶道可以兼德德不可以兼道故以下皆言道稟其精謂之生含其氣謂之畜遂其形謂之長字其材謂之育權其成謂之亭諒其用謂之壽作其和謂之養護其傷謂之覆生而不有忘機也為而不恃忘情也長而不宰忘物也是謂玄德合道也○李息齋曰物非道不生非德不畜自其有形以